

## Bulu - Minlem Mintilan - Comfort Scriptures

2 Koréñt Baa 1:2-4 Mvam a mvo'é bi bo'o e be mia, bi so'o be Zambe Esaa wongan a Nti Yésus Krist. 3 Zambe a bo'o ébotan, Esaa Nti wongan Yésus Krist, Esaa a ne nko éngôngo, a Zambe a ne mvolô minlem mevale mese; 4 a volô'ô bia minlem alune dangan ese été, ane bia fe bi ne volô ba ba wô'ôlun minlem a mvolane minlem bia bebién bia nyōñ e be Zambe.

Minkana 15:13 Nlem ô ne mevak wo ve asu ne njema; v'éyoñe nlem wo wô'ô njuk nsisime fe wo tek.

1 Bejô Bôte Ôsu 8:66 E môse muame, nde a nga suu bôt. Be nga botane njô bôt a bulan e menda bindelé map; be nga bo mefôn, nlem njalan a mevak, amu mvaé ése Nti a nga bo mbo ésaé wé David a Israél ayoñe dé.

1 Minkañete Ôsu 16:10 Wumela'ane miabebien amu jôé dé e ne étyi! E nleme ya ba ba jeñé Nti Ô tame ñhe vak!

Minkana 12:25 Biyebe ya nleme môt bia tya'a nye, ve mbamba éfia a ve nye mevak.

Minkana 13:12 Ndi nlem ba buk ja bo nleme na ô kon, ve nkômban wo tôéban ô ne élé ja ve ényiñ.

Ezayi 30:26 Efufube ngon ja ye bo ane éfufube jôp, a éfufube jôp ja ye dañe ngu tañe biyoñe zamgbwa, ane éfufube ya melu zamgbwa, e môse Nti a ye tiñeti aveñé ya bôte bé, a yete fôle ya minkasa miap.

Oze 13:8 Ma ye yaa be ane ñyôyo'o tit ba te wôlé bon, ma ye nyab édibe ya nleme wop, a mine be ane ngale ngbwengbwem. Betite ya fé ba ye nyabe be mefus mefus.

1 Samuel Ôsu 1:8,10 Ane Elkana, nnôme wé, a nga jô nye na: Amu jé wo yôñ a tabe te di? Amu jé e nleme wôé ô n'eyôé? Ye me nji dañe bon awôm be wo? 10Ane Anna, nleme ntia'an a ôlun, a nga ye'elane Nti a dañe yôñ.

Besam 25(24):16,17 Kôñela'ane be ma a mvamane ma, amu me n'étam a éngôngo. 17 Biyebe bi jaéya ma nlem; bo'o me na me kôlô biyebe biam été.

Besam 34(33):19 Bia be mia nyeñela'ane Nti! Nwumela'ane jôé dé nsamba wua!

Besam 38(37):9 Ngul é ntoo ma momo, ntia'an; ma tat amu éndeñela'a ya nleme wom.

Besam 55(54):5 Nlem wo tyibelane ma abum été, a woñ awu wo ku ma

yôp;

Besam 61(60):3,4 Ma yône be wo me too aku'u ya si, nleme ntia'an; kele ma akôme da dañe ma ôyabe yôp! 4 Amu ô ne ma vôme ma sobô. E asu nsiñe wom, wo ô ne ma nkum ô ne ngu.

Besam 62(61):9 A mia bôt, taba'ane nye mebune biyoñ bise; ke'ane minleme mienan e vôm a né. Zambe a n'asoé dangan.

Besam 73(72):26 Minsône miám a nleme wom bi ne bo momo: Zambe ny' a ye bo ako'o ya nleme wom a ngabe jam nnôm éto.

Besam 77(76):3,4 Môse ma yene njuk ma ye jeñé Nti; wo wom ô nga too nsaman a alu ese, te jombô si; nleme wom ô nga bene volôban 4 Ma simesane Zambe a ma tat; ma fas, a nsisime wom ô ne nte'an.

Besam 86(85):11 A Nti, lit'i ma e zene jôé, a ma ye wulu ane bebelâ wôé a né. Kôme'e late nleme wome ne ta ô ko jôé dôé woñ.

Besam 109(108):22 me ne azoé a éngôngo, nlem wom étê ô ne ntuban a meveñ.

Besam 112(111):7,8 A nji ko mbia menyiñ woñ; a tabe Nti ndi, teke tyelé nleme yôp. 8 Teke'e tyendé asimesane dé, a yange yen ane besiñé bé ba ku teke'e ko woñ.

Besam 143(142):4 Nde ma jañele de ndi nlem ése me teke'e fe nguleya beta bo jam.

Besam 147:3 (146-147) A saé ba be ne minlem ntia'an, a sôp meveñ map. Minkana 14:30 Nlem ô ne nje'ebane si ô n'ényiñé ya nyôle môt, v'eviele é ne ôkon wo di bives;

Ezkeziaste 1:13 Me nga ve nlem a fek asu ya jeñ a fase mam mese ma boban e yôbe si: dili e ne nju'u ésaé Zambe a ve bone be bôt.

Ezkeziaste 2:10 Jôm ése mise mam me nga kômbô, me nji kamane me je; me nji kamane nleme wom ava'éziñ, amu nleme wom ô nga yene mvaé y'ésaé jam ése: ngab é mbe énjam ésaé te nje le.

Ezkeziaste 2:22,23 Za jômô môt a bili mfa'a ya nju'u ôse a nga wu a ésaé a nga bo e jôbe si? 23 Melu mé mese me ne fo'o ve mintaé, ésaé je ki v'ôlun. Ja'ane alu, nleme wé ô nji wo'on: dibi fe e ne momo jam.

Ezkeziaste 11:10 Ajô te va'a éndeñela'a e nleme wôé, a titan abé é ke nyôle jôé ôyap; amu éto ésoé a ngu bia lôt avô.

Ezayi 30:29 Ve mia (bôte ya Yérusalém) mia ye yia bia aval ane alu ba jem abôk. Nleme wônan wo ye vak aval ane nyô a wulu a tysiñe mfañ, asu ya ke e nkôle Nti, e be akôme Israél.

Ezayi 57:15 Amu avale di Nyô a dañ ôyabe yôp, Nyô étaba'a je é too nnôm éto, a nyô jôé dé é n'étyi a jô na: me too mevôm me ne mbetan a étyi étê, ve da me ne a môt ba tibili, a nyô be sameleya nsisime wé étê, nalé ma beta wômôlô minsism mi ntoo nsamelan, a minlem mi ntoo ntia'an.

Ezayi 65:14 Mi lôô bebo bisaé bam ba ye dañ amu meva'a ya nlem wop, ve mia mia ye yôn amu mintaé ya nleme wônan; a mia ye yi, nsisim ô too mia ntyna'an.

Ezayi 66:13,14 Aval ane môte nyia a volô nlem avale te ma ye volô mia nlem, mia ye volôbane nlem e Yérusalém. 14 Mia ye yene de a nleme wônan wo ye vak, a bivese bienan bia ye beta nyoñe ngu ane bilok wo Nti wo liti ôbien e be bebo bisaé bé a ayaa dé e be besiñe bé.

Yeremia 15:16 Mejô môé me yenéya ôsu viam, a me mineya me. Mejô môé me boyá nkañesan a ava'a ya nleme wom; amu jôé dôé da looban e nlô wome yôp, a Nti, Zambe ya minsamba mewosan!

Yeremia 24:7 Ma ye ve be minlem mia yeme na me ne Nti. Ba ye bo bôte bam, a ma ye bo Zambe wop, nge ba ye bulane be ma a nleme wob ôse.

Yôanes 14:1 Nlem ô bo'o te kumetane mia; buna'ane Zambe, bunane fe ma.

Yôanes 14:27 Ma li'i mia mvo'é, ma ve mia mvo'é jam. Sake avale si ndône ja ve mia e nde ma fe ma ve mia. Nlem ô bo'o te kumetane mia, nge ko woñ.

Yôanes 16:6 Ve mbôl me maneya kobô mia mam ma, e nlem ô jaéya mia a ôlun.

Yôanes 16:22 Mfa'a wônan, mi bili fo'o ôlun éyoñe ji. Ve ma ye beta zu yene mia. A nleme wônan wo ye fôn a mevak, a meva'a menan mete, teke môt a ye vaa mia me.

Mimboone Minlôman 2:46 Tyiñe jia, be nga bo mbane ya ke nda Zambe. E menda mab étê, be nga be'e fembé, be ja'a fe bidi a minleme nje'eban.

Rôme 9:2 Me bili beta ôlun, a mintaé mi ne teke amané.

2 Koréñt Baa 2:4 ajô te, ézezañe minju'u étê a nleme ntyna'an, nje me nga tili mia a mili'i mis, saa asu ya ve mia ôlune minlem, ve na, mi yeme nye'an wo fuluku, ñwô me bili mia.

Efeze 5:19 Minlañe ya ézezañe jenan mi bo'o besam a bia bi Zambe. Yi'an a wumulu Nti a minleme mienane mise.

Pastor T. John Franklin  
Church of Salvation, Healing, and Deliverance  
COS-HAD.org